

O la matou vaaiga taula'i, ia galulue faatasi ma aiga ma i latou o loo tausia isi (carers), ina ia fesoasoani ma tapenaina i latou ua aafia i le Down syndrome ina ia mafai ona latou faataunuu o latou agavaa ma o latou faanaunauta'iga a'o faagasolo o latou soifuaga ma i totonu o afioaga ma faalapotopotoga.

O se faalapotopotoga mo aiga.

- E tauologologo ma fesoasoani i aiga.
- E unaia ma lagolagoina amioga talafeagai.
- E faatāua aiātatau ma le faaaofia i meafai o tagata o loo aafia i le Down syndrome.
- Toe iloilo faiga faavae ma saili le lagolagosua mai le mālō ma isi faalapotopotoga.

A fia avea oe ma sui o le NZDSA pe fia fai sau foa'i mo lenei faalapotopotoga, tagai i le: nzdsa.org.nz

Matou te fia faalogo atu i sou finagalo faaalua.

www.nzdsa.org.nz

0800 NZDSAI (0800 693 724)



**NZ Down Syndrome Association Inc.
PO Box 4142
Auckland
New Zealand
neo@nzdsa.org.nz**



O ā auaunaga e ofoina atu e le NZDSA?

- Fesoasoani mo mātua faato'ā fai fanau e ala i le fesoasoani a se matua ua lelei ona toleniina.
- Faamaopoopoga i le atunuu aoao.
- Vaega faaitulagi tapenaina polokalame i totonu o Niu Sila atoa, e aofia ai ipu tī i le taeao, polokalame mo aiga, tautalaga mai ni failauga aami, ma fesoasoani ma le lagolagosua mo tagata taitoatasi.
- CHAT 21 e ta'i tolu masina ma tuuina atu i sui auai uma ni tusitusiga o tala fou, faamatalaga ma le tele o isi tala eseese.
- Pepa o faamatalaga mo a'oga, i latou e iai tomā faapitoa, uo ma aiga.

O le ā le Down syndrome?

- O le Down syndrome o se aafiaga tumau e mafua ai ona faatuai le a'oa'oina e se tasi o mea ma tuai le tuputupu a'e o lona mafaufau. O lona faatuai e mafai ona faaititia pe a maua le fesoasoani sa'o ma talafeagai faapea ai foi ma le taliaina mai e isi tagata i se uiga lelei.
- O le Down syndrome e mafai ona maua i totonu o soo se aiga ma e lē mafua mai i se sasi a se tagata. I totonu o Niu Sila, e toatasi mai le pe ā ma le to'a 1000 o pepe, e fanau mai e aafia i le Down syndrome; o lona uiga e tasi pe tele atu foi pepe e fananau i totonu o vaiaso taitasi e maua i le Down syndrome.
- O le tulaga masani i totonu o sela ta'itasi o le tino, e 23 pea ta'ilua o kolosome (chromosomes) e iai, o le pea kolosome e pito i sili ona laititi o le pea number 21. O se tasi ua aafia i le Down syndrome, ua iai i sela o lona tino se kolosome faaopoopo numera 21, ua tolu ai kolosome e pipii faatasi nai lo le pea masani o kolosome e lua. O le upu faafoma'i ua faaigoaina ai, o le trisomy 21.
- O i latou e maua i le Down syndrome, o latou mata poo fofoga e pei o foliga mai o le fatu o le almond, e laititi le isu ma taliga ae e tele lava ina tutusa atu o latou foliga i tagata o latou aiga.

O tagata ua aafia i le Down syndrome

- O tamaiti o loo aafia i le Down syndrome e pei lava foi latou o isi uma tamaiti, e mafai ona latou a'oa'oina mea ma tuputupu a'e o latou mafaufau. E mafai ona fesoasoani i lo latou tuputupu a'e, nisi ua iai tomā faapitoa ma nisi fesoasoani faaopoopo o loo ofoina i totonu o a'oga.
- E pei lava tagata o loo aafia i le Down syndrome o isi tagata uma, auā o i latou o sui o loo auai i meafai i o latou aiga ma afioaga, ma o loo mafai foi ona fai so latou sao i totonu o faigānuu ma faalapotopotoga.
- E tofu lava le tagata o loo aafia i le Down syndrome ma ona uiga, foliga vaaia faapea foi ona agavaa e tutasi ai o ia. O tagata uma ua aafia i le Down syndrome e tatau lava ona faatāua i latou o ni tagata taitoatasi e leai ni papupuni e tafiofia ai i latou mai le ausia o ni tulaga maualuluga.